

INVESTIGACION DELICADO TUMANDO LUGAR

ORANJESTAD (AAN): Gobierno Hulandes segun informe ta sinta cu un problema serio relacion cu Procurador General mr. Zwinkels.

For di basta tempo caba gobierno Arubano a "Give up" e confianza den e Procurador General mr. Jan Zwinkels. Pa un Gobierno dicidi bay asina leu pa evita contacto personal cu un Procurador General, esaki nifica cu cos ta hopi y basta serio.

E ministro di justicia (sosteni pa gabinete Eman por completo) y aparentemente un Ministro Hulandes tambe ta fada di e meneer aki pa cu su forma di proceder y actua como tal den comunidad Arubano.

Awe gobierno ta sinta cu e batata cayente, cu a confia riba e recomendacion cual a worde duna pa por a nombra mr. Jan Zwinkels como PG Arubano.

Tabatin tres yiu di tera, entre otro mr. Clinton Foy, mr. Helen Lejeuz y mr. Pietersz, kendenan tabata candidato-nan serio pa asumi e puesto aki.

E palabra Hulandes "cliek", segun fuentenan a pone cu

nan tur tres a worde poni un banda. Tin di nan a worde poni un banda na mal manera.

Pa ilustra, ta cuminsa cu mr. Clinton Foy y por corda con aki na Aruba tur esnan cu tabata su colega supuestamente tabata di acuerdo pa e worde presenta y acepta den un reunion teni na Curaçao. Ora cu e momento a yega pa presenta y sostiene su candidatura un miembro di Aruba cu a representa e resto di coleganan den corte a bay contra, pa asina bula garganta di mr. Foy kende awe ta na Hulanda.

Di mr. Helen Lejeuz, ta mesun tiro! El a ricibi contra-tiempo formal pa e por a funcionar como PG interino. Apesar di esey el a drenta den abogacia y ta haci un tremendo labor, y e lo por ta un candidata pa asumi e funcion como P.G.

Tambe tin mr. Robert Pietersz, tabata un di esnan cu a worde priminti pa regla su asuntunan pe, tambe a worde boycotea. Na final mr. Jan Zwinkels a haya su gusto y a worde nombra como PG, pero no pa bida largo manera sa ta e caso di otro nombra-mentonan como tal.

E recien viahe di Ministro-nan Arubano pa Hulanda a laga hopi hende keda pensa. Un di e motibonan di e viahe aki, segun Gobierno pa medio di Ministro a declara ta cu nan "a bay atende un asunto delicado, y cu na debido tempo lo notifica comunidad".

E asunto delicado ta yegando na su fin pa cual Gobierno lo worde atendi, y esaki lo sosode cu Ministro Presidente di Hulanda Wim Kok.

Fuentenan for di Hulanda (y den alto nivel pa cual nan no kier pa number ni departamento worde menciona) a duna di conoce cu tin un investigacion profundo ta tumando lugar.

Tin bastante kilo di droga cu lo a pasa via di Aruba cu conocimiento di "Alto Funcionario" pa cual no ta prudente pa su number wordo

menciona, y e lo a coopera pa esaki pasa.

Parce cu e droga a perde na Hulanda, cual ta basta serio y hasta ta wordo papia cu droga cu destino Italia ta worde menciona, unda ta varios detencion lo a cay.

Tin investigacion riba alto nivel ta tumando lugar den exterior pa e asuntunan aki cual ta worde considera deli-

cado.

Merca logicamente lo ta na boca di rieu si acaso sali algo afor di e investigacion cu por hasta pidi extradicion di e alto funcionario aki.

A ser bisa cu e asunto aki ta hopi delicado y serio! Si Si cabez lo cay ta sigur, entre otro na Hulanda y Aruba e lo ta e caso!

THE BULLS BRAKE AND CLUTCH SHOP

Awor tur problema di: BRAKESHUE, PADS Y CLUTCH por wordo resolve serca nos.

Nos ta duna servicio completo di DRECHA BRAKE Y CLUTCH den nos shop.

INSPECTION TA GRATIS, POR DUNA PRIJS DI ANTEMANO.

PASA OF JAMA NA TEL: 22444- L.G. Smith Blvd. 124
Parti pariba den edificio di CEMPRO TECHNICA N.V.

RIBA RUTA PA CARNAVAL 1997 (1)

Despues di temporada di carnaval e pregunta cu tur ora a bin dilanti tabata: "Kico lo pasa pa Carnaval 43?".

Den e "Microscopio riba carnaval" despues di e temporada, mi a publica cu e expectativanan ta cu lo bini cambionan positivo y tin cosnan cu mi ta na altura di dje y ta tende pero cu no por publica.

Nos ta tres siman despues di carnaval y e movecionnan a cuminsa den bon direccion.

E prome reunion entre Ministro Beke y directiva di SAC y miembronan di SAC (Nota: desde ki tempo e "Stichting" tin miembro?) a tuma lugar. Lo bay bini mas reunion ainda pero contento tur hende ta cu a bini e movecionnan caba y cu a cuminsa traha caba.

Den e simannan venidero lo por tende poco informacion masha positivo pa nos carnaval y e ministro lo tin su parti den dje tambe pa mehoracion di nos carnaval.

Tin tambe stipulacionnan caba pa 1997 (relaciona cu programa) y plannan ta riba mesa pa worde discuti.

Pa locual ta e colaboracion entre SAC y ASOMA riba nan actividadnan conhunto, tin puntonan riba mesa tambe y esaki tambe lo worde treci despues den otro articulo bao di e mes titulo aki di "Riba ruta pa Carnaval 1997" asina cu cosnan ta concretisa.

Pa gruponan musical y gruponan di carnaval tambe tin plannan riba mesa y asina cu tur cos ta concretisa, den e simannan venidero lo bini tambe riba nan.

E prome parti aki di e columna riba carnaval no tin mucho noticia y nada concreto pa motibo lo ta prematuro pa bin cu tur "bon noticia" cu ta sali relaciona cu carnaval.

"Riba ruta pa carnaval 1997" ta sali solamente ora tin noticia di carnaval y informacionnan cu ta sali di preparacionnan pa carnaval 1997.


Mester duna SAC un pabien sinembargo pa ta moviendo for di awor caba y cu a mira cu mester bini cambionan (y drastico) y un pabien na Ministro Beke pa a cuminsa duna e empuhenan necesario pa mehora nos carnaval.

Juby

INTAG DISCOUNT STORE

L.G. Smith Blvd. 136B Tel: 29490

Philips ctv 14" With Remote control



Model: MR-1431

AWOR
395.-

Panasonic HIFI Set

Model: SC-T095

AWOR

275.-



Amc.
Unicon

Posibilidad pa Credito Sin Downpayment